

**Miomirka Melank**

Zastupnica Naše stranke u Skupštini Kantona Sarajevo  
Sarajevo, 16. 12. 2024.

**Dostaviti:**

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
Skupština Kantona Sarajevo  
n/r predsjedavajući Skupštine Kantona Sarajevo

**Uputiti:**

Vladi KS  
Ministarstvu za rad, socijalnu politiku, raseljena lica i izbjeglice KS  
Ministarstva unutrašnjih poslova KS  
Ministarstvu za odgoj i obrazovanje KS  
Ministarstvo zdravstva KS

**PREDMET: ZASTUPNIČKA INICIJATIVA**

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", brojevi 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), upućujem **INICIJATIVU za**

1. **Proširenje kapaciteta** postojećeg prihvatilišta za djecu, koje djeluje u okviru KJU Dom za djecu bez roditeljskog staranja Sarajevo.
2. **Uspostavljanje usluge** prihvatilišta kao kriznog smještaja za djecu žrtve nasilja i trgovine ljudima na nivou kantona.<sup>1</sup>
3. **Donošenje multisektoralnog kantonalnog Protokola** za prevenciju i postupanje u slučajevima prosjačenja i drugih oblika eksploatacije djece u Kantonu Sarajevo, sa pratećim Hodogramima za postupanje za sve nadležne institucije u sistemu zaštite djece u Kantonu Sarajevo po modelu dobre prakse koji je primjenjen u 34 lokalne zajednice u Bosni i Hercegovini.
4. **Osigurati kontinuirane certificirane edukacije** stručnih osoba iz JU Kantonalni centar za socijalni rad Sarajevo, uključujući i općinske službe socijalne zaštite, te policijskih službenika, za rad sa djecom i maloljetnicima u krivičnom postupku, u saradnji Ministarstva

<sup>1</sup> Evaluacija provedbe Strategije suprotstavljanja trgovine ljudima u Bosni i Hercegovini 2020-2023., Preporuka, str. 68., dostupno na:

[file:///C:/Users/KORISNIK/Downloads/Izvještaj%20evalucije%20Strategije%20suprotstavljanja%20trgovini%20ljudima%20BiH%202020-2023%20\(6\).pdf](file:///C:/Users/KORISNIK/Downloads/Izvještaj%20evalucije%20Strategije%20suprotstavljanja%20trgovini%20ljudima%20BiH%202020-2023%20(6).pdf)

za rad, socijalnu politiku, raseljena lica i izbjeglice Kantona Sarajevo, Ministarstva unutrašnjih poslova Kantona Sarajevo i Federalnog ministarstva pravde.

**Obrazloženje:** Trgovina ljudima predstavlja jedno od najkompleksnijih i najtežih krivičnih djela današnjice. Ova vrsta kriminala ne samo da narušava osnovna ljudska prava i dostojanstvo pojedinaca, već i destabilizira zajednice i društvo u cjelini. Složenost trgovine ljudima proizlazi iz više faktora, među kojima su umreženost kriminalnih grupa, sofisticirane metode vrbovanja i eksploatacije žrtava, te često prikrivena priroda samog djela. Pored toga, žrtve trgovine ljudima su često ranjive osobe, uključujući žene, djecu, migrante i osobe iz marginaliziranih zajednica, što dodatno otežava njihovu identifikaciju i zaštitu. Ovo odjeljenje bi imalo specijaliziran tim stručnjaka osposobljenih za prepoznavanje, istraživanje i procesuiranje slučajeva trgovine ljudima. Ova preporuka je u skladu sa izvještajima međunarodnih tijela sa praćenjem stanja trgovine ljudima u Bosni i Hercegovini (State Department, GRETA Komitet).

Prema važećem Zakonu o zaštiti i postupanju sa djecom i maloljetnicima u krivičnom postupku, policijski službenici i stručni radnici u organima starateljstva moraju biti certificirani za rad sa djecom i maloljetnicima, bilo kao žrtvama ili kao počiniocima krivičnih djela. Posljednja edukacija stručnih radnika iz općinskih službi socijalne zaštite te policijskih službenika u Kantonu Sarajevo održana je 2015. godine. Tada je Federalno ministarstvo pravde, kao odgovorna institucija za sprovođenje obuke i certificiranje stručnog osoblja, organizovalo prvu i jedinu obuku. Od tada, značajan broj socijalnih radnika i drugog stručnog osoblja u službama socijalne zaštite, kao i policijskih službenika koji su prošli ovu obuku, penzionisan je ili je premješten na druga radna mjesta. Trenutno, u svim policijskim stanicama i organima starateljstva u Kantonu Sarajevo postoji nedostatak certificiranih službenika.

5. **Organiziranje javne kampanje** za suzbijanje prosjačenja i podizanja svijesti kod građana da ne daju novac djeci i odraslima koji prosjače, te informiranje javnosti o postojanju Mobilnog tima u Kantonu Sarajevo.
6. **Proširenje kapaciteta Mobilnog tima** za prevenciju prosjačenja u KS.

S poštovanjem,

**Miomirka Melank**

